



МЕСЯЦА ИЮНЯ В 30-Й ДЕНЬ

Собор святых славных и всехвальных апостол 12

На Господи, возвах: стихиры на 6, Петра и Павла 3, глас 2.

Самоподобен: Кийми похвальными:

Кийми похвальными венцы / увязем Петра и Павла, / разделенныя телесы / и совокупленные духом, / Богопроповедников первостоятели? / Оваго убо яко апостолов предначальника, / оваго же яко паче инех трудившася, / сих бо воистинну достойно, / безсмертныя славы венцы венчает Христос Бог наш, / имеяй велию милость.

Кийми песненными добротами / воспоем Петра и Павла? / Богоразумия криле, / прелетевшия концы / и к Небеси вознесшияся, / рuce Евангелия благодати, / нозе истиннаго проповедания, / реки премудрости, / крестныя роги, / имиже демонов бровь Христос низложит, / имеяй велию милость.

Кийми духовными песнями / похвалим Петра и Павла? / Безбожия заклавшия незатыкаемая уста, / страшныя Духа мечи, / Рима светлая удобрения, / всея вселенныя питатели, / Новаго Завета Богописанная скрижали мысленныя, / яже в Сионе Христос возгласит, / имеяй велию милость.

Ины стихиры дванадесятих апостол, глас 4.

Подобен: Яко дбля:

Яко самовидцы и свидетелие Слова воплощения, / ученицы пребогати, / уболажаетеся: / яко молния бо, сияющие миру явитесе / и, яко горы

мысленныя, сладость искапаете, / яко приснотекущая реки райския, разделившися, / языческия церкви Божественными напаяете водами.

Яко лучи, блистающие зарями духовными, / в мир весь послани бысте, / чудес действо независимо подающе, / служителие Христовых таин бывше / и Богописанныя скрижали, Божия благодати написанныя / Богонаученнаго закона, / священнотайницы пребогати.

Рыбарская трость любомудрых шатание / и витийския струи пречерта, / Богомудрая учения, изображений догматы / и таин благих ясно изложивше Евангелие, / и пищи присносущныя причастие, / и ангельское наслаждение, / и пребывающую славу.

Слава, глас 6:

Всечестный апостолов приспé праздник Церкви Христове, / ходатайствующий спасение всем нам. / Тайно убо восплескавше, к сим рцем: / радуитесь, светильницы сущим во тьме, / мысленнаго Солнца зарь облистающие. / Радуитесь, Пётре и Пáвле, / учений Божественных основания незыблема, / друзи Христовы, сосуди честнии, / приидите посреди нас невидимо, / сподобляюще даров невестественных / ваш праздник восхваляющих пёсньми.

И ныне: Ктó Тебé не ублажит:

На стиховне стихиры, глас 4.

Подобен: Дал еси знамение:

Дал еси хваление Церкви Твоей, Господи, / честныя апостолы Твоя, / в нейже просиявают мысленнии светильницы, / Петр же и Пáвел, / якоже звезды словесныя, / вселенную озаряюще, / имиже просветил еси западный мрак, / Иисусе Всесильне, / Спасе душ наших.

Стих: Во всю зéмлю избыде вещание их / и в концы вселенныя глаголы их.

Дал еси утверждение Церкви Твоей, Господи, / Петрову твердость и Пáвлов разум, / и светлую мудрость, и обоих богогласие истинное, / эллинскую прелесть отгонящее. / Тёмже, тайноводими от

обоих, / поём Тя, Иисусе Всесильне, / Спасе душ наших.

Стих: Небеса поведают славу Божию, / творение же руку Его возвещает твердь.

Дал еси образ обращения согрешающим, / оба апостолы Твоя: / оваго убо отвергшагося Тебе во время страсти и покаявшася, / оваго же проповеди Твоей сопротивляющаяся и веровавша, / и обою собору первостоятельствующих, друзей Твоих, / Иисусе Всесильне, / Спасе душ наших.

Слава, глас 6:

Праздник радостен возсия концем днесь: / всечестная память премудрых апостол / и верховных Петра и Павла. / Темже и Рим радуется, ликовавша в песнях и пениях. / Празднуем и мы, братья, / всечестный сий день совершивше. / Радуйся, Петре апостоле, / искренний друже твоего Учителя, / Христа Бога нашего. / Радуйся, Павле вселюбезнейший, / и проповедниче веры, и учителю вселенных. / Яко имея дерзновение, / супруже святоизбранный, / Христа Бога нашего молитесь спастися душам нашим. /

И ныне: Богородице, Ты еси лоза истинная:

Тропарь, глас 4:

Апостолов первопрестольницы / и вселенных учителей, / Владыку всех молитесь / мир вселенней даровати / и душам нашим велию милость.

НА УТРЕНИ

По 1-й кафизме, седален, глас 1.

Подобен: Гроб Твой, Спасе:

Лик духовный апостольский миру послася тайно от Бога Вшшняго, / и неволю страждущим врачеве явшася: / Триипостаснаго единственне призывающе, / Божественное воплощение Еммануила Господа мудро написаша.

Слава, и ныне, Богородичен:

Купину, юже Моисей неопалимую виде, / гору Божию, святой облак, сень нескверную, Богоприятную трапезу, / палату высокого Царя, всесветлую и непроходимую дверь, / Дево, поём Тя.

По 2-й кафизме седален, глас 3.

Подобен: Божественныя веры:

Божественныя трубы Утешителя, возглашающе дыханіе словес спасенія, міру возгласите / и иже во мраце прелести спящія к свѣту Богоразумія возставивше, приведите, / Божественнаго Свѣта апостоли, моляще Христа Бога спастися душам нашим.

Слава, и ныне, Богородичен:

Божественнаго естества не отлучся, плоть быв во чреве Твоём, / но Бог вочеловечся и пребысть, Иже по рождествѣ Матерь Тя Дѣву, / яко прежде рождества, сохранив Всенепорочну, един Господь, / Того прилѣжно моли даровати нам велию милость.

Канон Петра и Павла, со ирмосом на 8, егже краегранесие: Петра почитаю, Павла пою разумно. Глас 4.

Песнь 1

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, / и воспою, радуясь, Тоя чудеса.

Подждь ми, Господи, Пресвятаго Твоего Духа капли дарований, слово нарочито, / и возвеселюся, верно похваляя первых апостол Твоих исправления.

Оставил еси, прехвальне Петре, усердно временная / и Христовым стопам последовал еси, / неверство же оставив, Павле, и Призвавшему тя последовал еси.

Благодать, апостоли, существенно нашедшую вам, приемше Божественнаго Духа, / проидосте землю всю, Петре и Павле, учаще концы.

Богородичен: Витийстии многовещанныи и мусикийстии велегласнии языцы / Тя не могут чтити или пѣти, Чистая: / паче бо человека содеяшася в Тебѣ единой Божественная таинства.

Ин канон 12-ти апостолом, на 6, егже краегранесие: Христовы почитаю мудрыя апостолы. Феофаново, глас тойже.

Песнь 1

Ирмос: *Моря чермную пучину / невлажными стопами / древний пешествовав Израиль, / крестообразными Моисеовыми руками / Амаликову силу в пустыни победил есть.*

Лик апостольский пети ми желающу, Христэ, / молитвами их, яко Бог, зарю Пресвятаго Духа даруй ми / и свет премудрости Твоея.

Укрепльшися силою Твоею и благодатию, Христэ, / силу противных враг разрушиша честнии Твои апостоли, / Боговидцы бывше неоскудным к Тебе мановением.

Исцеления творяще, Владыко, Твоим Именем, / языческая совокупления Твоим познанием уловиша славнии апостоли / и светом Твоим просветиша.

Премудрости Небесныя научившися, преславнои Христовы апостоли, / явственно, премудрии, обуисте многословия нечестивых / поспешением проповедания.

Богородичен: *От Троицы Пребожественныя Единого, Пречистая, родила еси, / из Тебе плотию явльшагося по нам, благоволением рождашаго И / и действием Духа Пресвятаго, Дево Мати.*

Катавасия: *Отверзу уста моя:*

Песнь 3

Ирмос: *Твоя песнословцы, Богородице, / Живый и Независтный Источниче, / лик себе совокупльшия, духовно утверди, / в Божественней Твоей славе / венцев славы сподоби.*

Сродник, Пётре, тебе Андрей проявляет Мессию Христа, к Немуже верою приступил еси; / и ты, Павле чудный, богодетельным Крещением от Анании просветился еси.

Лестно иже писанием закона падающий род Израилев / просвещением благодати Петр привед, / язык же стада Павел от прелести избави.

Наги и проты во языки послал еси Твоя ученики, / вместо оружия Твое Имя носяще святое, / и лестную брань, Христэ, верою разрушиша.

Богородичен: *Исполнися, апостоли, познати Господа вся земля, от Девы возсиявшаго / и мир*

обновльша Божественным вашим проповеданием, / Пётре и Павле прехвальнии.

Ин

Ирмос: *Веселится о Тебе Церковь Твоя, Христэ, зовущи: / Ты моя крепость, Господи, / и прибежище, и утверждение.*

Небесная и честная боговещающе на земли учения, / языки огненными извествующе, / проповедницы Христовы, предали естэ.

Показал еси небеса словесная — ученики Твоя, Владыко, / славу Твою поведующия всем концем.

Написани бывше на Небесех и явльшеся Христу ссельницы, / чтущих вас любовью ныне, премудрии, сохраните.

Богородичен: *Вселивыйся в нас, Иже в Вышних живый, Пречистая, / плоть бо прием от Тебе без семене, явися.*

Седален, глас 4.

Подобен: Вознесыйся:

Вселившеся во Свете Неприступнем, яко жилище Света сущии, / храм ваш святыи просвещаете присно Божественными проповеданими. / Темже верою вопием: / тьмы нас избавляйте, и всяческих бед, и лютаго языческаго нашествия, / умоляюще Зиждителя, апостоли.

Слава, глас 8.

Подобен: Премудрости:

Великия светильники и светлыя, верховники явльшиися учеников, / Петра восхвалим и премудраго Павла, / ибо, огнем Божественнаго возсиявше Духа, мглу прелести попалиша всю. / Темже и Вышняго Царствия граждане достойно явйшася / и благодати сопрестольни. / Сего ради вопием им: / молитэ Христа Бога согрешений оставление даровати / празднующим любовью святую память вашу.

И ныне, Богородичен:

Яко Деву и едину в женах, Тя, без семене рождшую Бога плотию, / вси ублажаем, роди человечести, / Огнь бо вселися в Тя Божества / и яко Младенца млекоу питаеши Зиждителя и Господа. / Тем, Ангельский и человеческий род,

достойно славим пресвятое рождество Твое / и согласно вопиём Ти: / моли Христа Бога согрешений оставление даровати / поклоняющимся верою пресвятому рождеству Твоему.

Песнь 4

Ирмос: *Неизследный Божий Совет, / еже от Девы воплощения / Тебе, Вышняго, / пророк Аввакум усмотряя, зовяше: / слава силе Твоей, Господи.*

С крепкими убо немощни, / с витиями же невежди сплётшеся благочестно, Петр и Павел, / вземше победу, Христовы апостоли.

Отступника Симона, волхва лютаго, яко златолюбца обличь Божественный Петр, / и ныне Павел мудрый стези развращающаго Христовы Елима ослепил есть.

Невежественно рыбарь и усмарь * слово имуще, / но растворенно Божественною солию, души любознанных усладяша / и Христу верою приведоша.

Богородичен: *Речию Богодохновенною прежде Аввакум / гору Тя чисту и присенну Божественный рече, / приходящаго от юга и Тобою воплощаем, Владычице, возвещая явлено.*

Ин

Ирмос: *Вознесена Тя видевши Церковь на Кресте, / Солнце праведное, / ста в чине своем, / достойно зывающи: / слава силе Твоей, Господи.*

Глаголов Божественных апостол вещание огнеобразно пройде вселенную всю, / лести убо вещь поपालяющее и просвещающее благодатию благочестивых совокупления.

Почерневший мраком безбожия мир Богозрачная светила просветяша зарями благодати, / ученицы Господни, явльшеся сиянием проповедания.

Священными зарями просвещени мысленнаго Солнца, / яко солнце, в мире сияете, прехвальнии, / светом Божественным прелести мглу отгоняюще.

Жезл силы имуще, Крест Твой, / сланое жития самовидцы Твой, Слове, море пресекоша, / яко кони, смущающе многобожия воды.

* усмарь — кожевник

Богорóдичен: Украсена различным светолитием, / Небо одушевленное Тебе, Царя царствующих, Христэ, / Девица Пречистая, ныне яко Богорóдица славила есть.

Песнь 5

Ирмос: Ужасóшася всяческая / о Божественней славе Твоей: / Ты бо, Неискусобрачная Дéво, / имела еси во утробе над всеми Бóга / и родила еси Безлётнаго Сьна, / всем воспевающим Тя / мир подающая.

Яко суща твёрда, Христос ты камень нарече, Пётре, / и на тебе Церковь, еяже áдовы врата не одолéют, / тебе же, Пáвле, сосуд избран рече, / Сего пронести пред языки Имя.

Петр, отвёргся Учителя трижды, трижды же любити приглашением присвоися. / Пáвел, иже первее хульник сый, тяжко же оскорбляя верныя, / послежде проповедаше, Егóже гоняше первее.

Нетлénно звание и славу присносущну Петр от Христа обрете с Пáвлом: / ов úбо ключи Небесныя прият, / сей же в рай восхищся, глаголы неизреченныя навьк пáче человека.

Богорóдичен: От Божественнаго Духа Исáия исполнь, / рождество без отца прорече из Тебе, Дéво, рóждшагося Еммануила, / Иже есть с нами Бог, Егóже, Чистая, родила еси, / темже вси поём Тя.

Ин

Ирмос: Ты, Господи, мой Свет, / в мир пришёл еси, / Свет Святыи, обращаи из мрачна неведения / верою воспеающия Тя.

Божественныя Твоя и премудрыя служители / свет показал еси в мире, / Тебе, Незаходимаго Света, всем возвещающия.

Иже всяку добродетель явственнó прошéдше, апóстоли, / различные бесовския злобы сплетения разрушите.

Явиша нам Трóйческое сияние во единстве Божества, / óгненными языки вещающе апóстоли.

Богорóдичен: Тя ору́жие непобедимое на враги предлагаём, / Тя утверждение и надежду нашего спасения, Богоневесто, стяжáхом.

Песнь 6

Ирмос: *Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождшагося Бога славим.*

Светла Петрова чудеса, / честна же и Павлова знамения: / ибо ризы и сени их недуги болящих исцелевают, прилагаями.

Петр воистинну славный и Павел поистине чудный, / двоица Божественная и честнейша жилища Живоначальная Троицы / всеми поминается.

Болящих души и телеса, яко Божественный врач изряден, Петр исцели, / Павел языки озари / и светом Господним назнамена.

Богородичен: *Пети Тя должны есмь, но воистинну по достоянию не можем. / Темже поем Тя молчанием, / чтуще несказанное, еже на Тебе, Дево, содеянное таинство.*

Ин

Ирмос: *Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекшею Кровию.*

Утвердив ученики Твоя, Спасе, премудростию и чудесы, / сильнейшия соделал еси еллинскаго буесловия, / и сих прелестная разрушиша веления.

Божественныя реки премудрости / наполниша спасительных вод удолия вся церковная, / от источник спасительных струями обогащше.

Явльшися животныя звезды, прехвальнии, / разористе всю мрачную прелесть светозарными сиянии / и Богоразумия свет возсиявше.

Богородичен: *Всю Тя, Голубицу совершенну и предобру, / светлый обрет крин и удольный цвет, о Богомати, / Жених мысленный в Тя вселися.*

Кондак, глас 2.

Подобен: *Въшних ищя:*

К амень Христос камня веры прославляет светло, / учеников преизрядна, / и с Павлом весь дванадесяточисленный собор днесь; / ихже память совершающе верно, / сих Прославльшаго прославляем.

Икос:

Всечестную и преблаженную память вашу творящей ныне, / в песнях прилежно вопиём к вам: / пресветлая и Богозрачная светила мира, / возлюбленнии ученицы Христовы дванадесяте, / яко имуще к Немю дерзновение, молитесь за ны, / вам бо дана есть благодать исцелений и грехов прощения, / прилежно убо Его молитесь грехов и напастей избавитися нам, / да единого Человеколюбца, вас прославльшаго, прославляем.

Песнь 7

Ирмос: Не послужиша твари Богомудрии / паче Создавшаго, / но, огненное прещение мужески поправше, / радовахуся, поюще: / препетый отцев Господь и Бог, благословен еси.

Ублажися Петр от Христа, яко сему рекшу Сына Бога Живаго, / и Павел почтеса, яко сосуд благопотребен, и взываху: / отцев Господь и Бог, благословен еси.

Законослужебники убо Петр умудряше, якоже завещася ему, / Павел же — язычники; / оба же благодатию Христу привождяху и взываху: / отец наших Боже, благословен еси.

Яко преизряден Петр Христов пастырь стадо прият, / Церкви же Павел учитель Божествен бысть, взывающе: / отец наших Боже, благословен еси.

Богородичен: Всенепорочная Мариэ и изрядная святостию, / Яже Бога плотию, Дево, рождши, Неискусобрачная Чистая, / Того моли от всякаго нас избавити наведения и греха.

Ин

Ирмос: В пещи авраамстии отроцы персидстей, / любовию благочестия паче, / нежели пламенем, опаляеми, взываху: / благословен еси в храме славы Твоея, Господи.

Сыны сотворив ученики Твоя, Иже прежде естеством Бог, / любовию наследники показал еси отеческаго наследия, Преблагий, / и ходити с Тобю, яко с Богом и Владыкою, избовил еси.

Премудрости излитие, сердечную широту, / язык dobroглаголив, Слове, подав Божественным уче-

никóм Твоём, / послáл еси проповéдати Евáнгелие Цáрствия всем концём.

Явьшеся, яко облацы Бóжия свѣта, апóстоли / всем одождевáют вóду животворящую, зовуще: / благословѣн еси в храмѣ слáвы Твоея, Гóсподи.

Богорóдичен: Преукрашѣнна Бóжиею слáвою явилася еси, Пречыстая, / едина от вѣка Слово Бóжие зачѣнная, Мáти Дѣво: / благословѣнна Ты в женáх, Всенепорóчная Владычице.

Песнь 8

Ирмос: *Отроки благочестивыя в пещи / Рождество Богорóдичо спасло есть, / тогда ўбо образующее, / ныне же действующее, / вселенную всю воздвизает пѣти Тебѣ: / Гóспода пойте, дела, / и превозносите Егó во вся вѣки.*

Силою укрѣплься Петр Божѣственнойю, умѣршую Тавифу воскреси, / Пáвел же Евтиха, с высоты падша и умерщвлѣна, возстави, / óба зывáюще: / Гóспода воспевайте, дела, и превозносите Егó во вся вѣки.

Видѣнием ужáсным и чýдным Корнилия ўбо Петр просвети, / Пáвел же Гаия, Криспа, и Панестия, и Стефанина крести, / óба зовуща: / Гóспода воспевайте, дела, и превозносите Егó во вся вѣки.

Блюдома Петра связана Христос ўбо Ангелом нощию разреши, / Пáвла же и Силу, áбие молящимся, / в кладѣ нóги твѣрдо стягнуты, изведѣ и темницу потряс; / тѣмже воспоем Христа во вѣки.

Богорóдичен: Избави страстей всепáгубных, / пленицы же согрешений ныне расторгни, имже кождо стяжется: / вси бо согрѣшихом и очищения просим, сущѣ повиннии. / Ёже подаждь, Богорóдице, мольбáми Твоими превозносящим Христа во вѣки.

Ин

Ирмос: *Руце распротѣр, Даниил / львов зияния в рóве затчѣ; / óгненную же силу угасиша, / добродѣтелию препоясавшеся, / благочестия рачители, óтроцы, зывáюще: / благословите, вся дела Госпóдня, Гóспода.*

Божѣственный премудрый лик апóстол Христóвых / огнѣм Дýха, якоже плѣвелы, попалиша

многоразличная бесовская чтѣлица / и вѣрных
сердцá просветѣша, вопиюще: / благословѣте, вся
делá Господня, Господа.

Согласно Божественныя ученики, Христовы
апостолы, / ѣже возгремѣвшия нам Божественная
велѣния, / пристанища вѣрных, благодатели об-
щия человечеству, / Спасу служители почтѣм.

Всечестныя и вместительныя сосуды добродете-
лей, / человеческия начатки, проповѣдания трубы,
потокѣи нетлѣнныя жѣзньи, / богоносныя молнии,
исцелѣний истокѣи, / красныя нѣги Евангелія
почтѣм.

Богородичен: Пѣлный Сый смиряется нас ради,
да исполнѣния Егѣ причастѣмся: / в пречѣстое бо
чрево Твое вшед Необымѣнный, / от Отѣческих
недр не отступѣль, воплотѣся. / Тем Тя вси благо-
словѣм, Маріе Богоневѣстная.

Песнь 9

Ирмос: Всяк земнорѣднѣй / да възграѣтся, Дѣ-
хом просвѣщаѣмь, / да торжествует же Безплѣтных
умѣв естество, / почитающее священное торже-
ство Богоматере, / и да вопіет: / радуйся, Всебла-
женная Богородице, / Чѣстая Приснодево.

Весь всюду мир проидѣте, ѣкоже крилати, / и
Евангеліе колѣном всем, ѣзыком и странам Хри-
стовѣ проповѣдавши, / вся привлѣкѣте к вѣре,
Пѣтре преблаженнѣй и чѣднѣй Пáвле апостолѣ.

Принѣк во глубѣкую старѣсть и естество долг,
Пѣтре, исполнѣя, / Учѣтеля твоегѣ Христа подѣби-
ем крест претерпѣл еси; / ты же во главѣ твоѣю,
Пáвле, усѣчен быв, о чѣдо страшно! / вмѣсто кровѣ
млекá истокѣл еси потокѣи и невѣрныя обратѣл
еси.

О Божественная двѣице, мѣдре вручѣвшаяся
всегѣ мѣра душам, / и ко благочѣстию от нечѣстія
претворше, / и по смѣрти спасающе ещѣ вѣрных
дѣши, / и ныне нас помяните и представите
Христу, верховнѣи апостолѣи.

Богородичен: Спасе Благѣй, Ёже естеством
Человеколюбец и Многомилосѣрд, / Препѣтыя
Твоеѣ Матере Дѣвы Божественными мольбамѣи, /

Петра́ моли́твами и Па́вла, апо́стол Твои́х, / ми́-
лость Твою́ и по́мощь с Небесе́ нам послѣ.

Ин

Ирмос: *Ка́мень неруко́сѣчный / от несеко́мыя
горы́ Тебе́, Де́во, / краеуго́льный отсече́ся, / Хри-
сто́с, совоку́пный разстоя́щаяся естества́. / Тем,
веселя́щися, Тя, Богоро́дице, велича́ем.*

Решѣти плени́цы прегрешѣний власть приѣмше
от Влады́ки, Богови́дцы, / воспева́ющих вас ми́ло-
стивно грехи́ очи́стите и спасѣния сподо́бите.

Вседухо́вную зарю́, су́щественно вам я́вльшу-
юся, вси воспри́яте, апо́столи сла́внии, / в го́рни-
це научи́вшеся высо́ким проповѣданием и учѣни-
ем, / и ны́не досто́йно блажи́ми естѣ.

Вам Хри́сто́с ны́не, друго́м Свои́м почи́вшим,
венцы́ подаѣт неувяда́емая / и видѣния Божѣ-
ственнаго исполня́ет, / Ему́же ны́не моли́теса
Цѣркви вся спасти́.

Богородичен: *Плоти́ю приити́ восхотѣв, украси́-
вый сло́вом всяческа́я в Тя всели́ся, / еди́ну
Святе́йшую всех обрѣт и Богоро́дицу показа́
исти́нную, Ма́ти Де́во.*

Свети́лен.

Подобен: Ученико́м:

Ученико́в всечестну́ю двоенадеса́тицу ра́достно
восхвали́ти стецѣмся, / ра́дуйтеса, и́же всю подсол-
нечную общѣдше и язы́ков уло́вльше злове́рныя
чреды́, / научи́вшеся Божѣственным.

Сла́ва: *Двоенадеса́точисленны́й лик днесь вос-
хва́лим, вси ве́рнии, / я́ко утверди́вшеся от них, / и
Хри́сту возопи́ем: / моли́твами их, Спа́се, мир Твой
умири́.*

И ны́не, Богородичен:

Мы о Тебе́ хва́лимся, Богоро́дице, и к Бо́гу Тя
има́мы предста́тельство: / простри́ ру́ку Твою́ свя-
ту́ю и сокруши́ враги́ на́ша, / Твои́м низпослѣ
рабо́м по́мощь от Свята́го.

На хвали́тех стихи́ры на 4, глас 4.

Подобен: Зва́нный свѣще:

Верхо́вное основание апо́столов, / ты вся оста́-
вив / и послѣдовал еси́ Учи́телю, вопи́я Ему́: / с
Тобо́ю умру́, да и живу́ блаже́нную жизнь. / Рѣма

же ты был еси пёрвый епископ, / превеликаго градов слава и похвала / и Цёркве, Пётре, утверждение, / и врата адова не одолёют войстинну ея, / якоже Христос предрече. / Егóже моли спасти и просветити души наша.

Иже из чрева матерня отлучен, / вѣчнаго величания тяжести всякия избѣгл еси, / вперився рачением войстинну Божественныя, Пáвле, любвѣ / к высотѣ Божественней, / идеже в пресвѣтлый мрак Божественнаго свѣта возшедый, / яко некий безплотный, / неизреченных глагол обогатився учении, / и послался еси сущим во тьме, / свет проповѣдуяй Христа Бóга нашего. / Егóже моли спасти и просветити души наша.

Иже Свет, Сый прѣжде всех век, / егда изволил еси ко мне, человеку, приити / неизреченнаго ради человеколюбія / и плоть быти за благодѣнію, / тогда свѣты вторыя Твоея свѣтлости / и молнія блестящая, / апóстолы и ученики Твоя, Спасе, показал еси, / иже и, послани бывше, / тварь всю Божественным свѣтом Твоим озарѣша, / моляще Тя спасти и просветити души наша.

Пётре и Пáвле, Слóва дѣлатели, / Андрѣе, Иáкове и Иоáнне премудре, / Варфоломѣе и Филиппе, Фомó и Матфѣе, / Сѣмоне, Иúдо, Божественне Иáкове, / всемирная всечестная учеников двенадѣсятице, / иже в міре проповѣдавши Всесвятую Трóицу, / естеством Бóга присносущнаго, / Цёркве неразорѣмая войстинну стѣны / и непоколебѣими столпы, / Владѣще всех молитесь спастѣся нам.

Слава, глас 8. Космы монаха:

Юже проидосте, тварь / просвѣщше, Спасовы ученицы, / леств идольскую, яко хврастие*, / попавше учении вашими, / язѣки от неразумия глубины к Божественному разуму уловивше, / спасосте, / и ныне молитесь Христу, / яко да милостив нам будет в День судный.

И ныне, Богородичен: Владѣчице, прими:
Славословіе великое. И отпуст.

* хврастие — хворост

НА ЛИТУРГИИ

Блаженны от канона 12-ти апостолов, песни 3-я и 6-я. Прокимен, глас 8: Во всю землю: Стих: Небеса поведают славу Божию: Апостол к Коринфяном, зачало 131. Аллилуия, глас 1: Исповедят Небеса чудеса Твоя, Господи. Евангелие от Марка, зачало 12. Причастен: Во всю землю:



Ина служба собора святых славных и всехвальных двенадцати апостолов

НА МАЛОЙ ВЕЧЕРНИ

На Господи, воззвах: стихирь, глас 1:

Приидите, вернии, / всехвальный собор двенадцати апостолов Христовых / славно восхвалим: / Петра, камня веры, / Павла, учителя язык, / наперсника Христова Иоанна Богослова / и брата его Иакова, / Андрея Богомудраго, / Филиппа и Варфоломея, / Матфея, списавшаго Благовестие, / дивнаго Фому, Симона Зилота, / Иуду, сродника Господня, / с Иаковым преславным.

Апостоли славнии, / Христовы ученицы Богозванныи, / вселенныя учителя, / обретише Господа Бога / и человеков Ходатая суща, / Тому боголепне прилепистесь / и яко Бога Того и яко Человека всесовершенна / в мире яве проповедаете.

Егда на престолех обоюнадесятих / сядете со всех Судиею / судити всякой твари, / неосужденныи покажите / и тьмы и всякаго мучения избавите, / Божественнии апостоли.

Слава, и ныне, Богородичен:

Апостолов удобрение, Богообрадованная, сущи, / омрачена мя сластью житейскими / покаянния просвети зарями, / яко да величаю Тя.

На стиховне стихирь, глас 8:

Апостоли премудрии, / Христовы ученицы Богозванныи, / вселенныя учителя / вашими молитвами / Божественным учением внимати укрепите мя / и стезею тесною помогайте ходити ми

всегда, / яко да dospéю / в пребывание райское
пространнейшее.

Стих: Во всю зéмлю изыде вещание их / и в концы
вселенныя глаголы их.

Учеников Твоих лик вселенную просвети: / бывше
бо иногда рыб ловцы, / ныне человекóв б́ша, /
тех ради, Бóже, помилуй нас.

Стих: Небеса поведают славу Бóжию, / творение
же руку Егó возвещает твердь.

Апостольский лик Духом Святым просветил еси,
Христé, / и нашу скверну грехóвную тех ради омьй,
Бóже, / и помилуй нас.

Слава, глас тойже:

Христовы ученицы, / егда с Ним судити сядете
суду повинных, / неосужденну мою дúшу соблюди-
те, / оскверненную безместными делы, / яко блази
мой предстателие / и яко мíра заступницы.

И ныне, Богородичен:

Апостолов радосте / и страстотерпец венец не-
увядаемый, / войстинну еси Богородительница,
Всепорочная Отроковице, / с нимиже испроси
нам, Владычице, / прегрешений избавление и жи-
тию исправление, / верою просящим Тя и во-
пиющим Ти: / радуйся, всеистинне благих сокрови-
ще.

Тропарь писан на велицей вечерни.

На малом повечерии канон апостолом Петру и Павлу,
глас 4 (зри первый канон в предваряющей службе).

НА ВЕЛИЦЕЙ ВЕЧЕРНИ

Блажен муж: 1-й антифон. На Господи, возвах:
стихиры на 8, глас 2:

Да восхвалится днесь двоенáдeсятица Богоиз-
бранная, / апостольская и всечестная: / Петр и
Павел всехвальнии, / Иаков и Иоанн, сыны громо-
вы, / Андрей Первозванный, Богомудрый Филипп
с Варфоломеем, / Богоглаголивый Матфей, / сла-
вный Фомá с Божественным Иудею и другим
Иаковом / и Симон Зилот.

Кийми похвальными венцы / увязем Петра и
Павла, / разделенныя телесы и совокупленные

духом, / Богопроповедников первостоятели? / Обаго ўбо яко апостолов предначальника, / обаго же паче инех трудившася. / Сих бо воистинну достойно / безсмертныя славы венцы венчает Христос Бог наш, / имеяй велию милость.

Иже вседый со Христом на водах, / егда основание имяше несумненно в сердцах, блаженне, / по воде, неимущей следа, / пути с Ним приобщился еси. / Егда же яко человек, / яже выше человека помыслив, ужасеся / умным преклонением, / волнами бурею поползесе, / разумев же единого Кормчия, Бога и Спаса, / просиши спасти тя, / Егже моли спасти и просветити души наша.

Приидите, премудрости глубину / и православных догмат писателя, / вернии, песнями Божественными днесь венчаем, / Иоанна славнаго и возлюбленнаго: / сей бо возгреме, еже в начале бе Слово. / Отонудуже громогласен показася, / яко благовестник миру, / просияв многомудренне всехвальный.

Глас 8: Проповедника веры и слугу Слова, / Андрея восхвалим: / той бо из глубины человеки уловляет, / вместо трости крест в руках держа, / и, яко уже ниспущая силу, / возводит души от лести вражия, / и приносит Богу дар благоприятен присно. / Того, вернии, в лице ученик Христовых восхвалим, / да молится с ними: / яко да милостив нам будет в День Судный.

Иакова воспоём Зеведеова вси: / со Христом бо взыде на гору Фаворскую, / и зритель бысть Божественнаго Преображения, / и, сошед, проповедаше во вселенную всю / с Петром и Иоанном.

Яко светильника Света и ученика, / яко самовидца Слова Божественнаго, / вси хвалим тя, Господень апостоле, / ибо, благодатныя твоя мрежи простирая, / словесныя рыбы уловляеши повелением. / Темже и языцы уловляхуся, / силою Духа наставляеми верою, / всехвально евангелисте Матфее, / моли Христа Бога / грехов оставление даровати / чтущим любовию святую память твою.

Верховныя явльшиися от ученик, / великия светильники и светлыя апостолы Христовы восхвалим: / огнем бо Божественнаго Духа / мглу преле-

сти попалиша всю, / тѣмже и Вѣшняго Царствія ору́жницы досто́йне показáшася / и благодáти сопрестольницы. / Сего́ рáди вопи́ем: / апóстоли Христá Бóга, / прегреш́ений оставл́ение испроси́те / прáзднующим любóвию святу́ю пáмять вáшу.

Слáва, глас 1:

Двоенáдсятице апóстол, Гóсподи, / двоедесятóлучшáя я́ко сóлнце, яв́ися земл́и: / тех бо рáди увяди́л еси́ прелести лука́ваго / и тех бо рáди озаря́еши дúши Твои́х рабóв, / и нас, рабóв Твои́х, спасáй их молит́вами, / я́ко Ед́ин Человеколю́бец.

И ны́не, Богорóдичен, глас тóйже: Всемíрную слáву:

Вход. Прокíмен дне и чт́ения.

Исхóда чт́ение (главá 15):

Приидóша сýнове Изра́илевы в Мёрру, / и не можáху пи́ти воды́ от Мёрры: горькá бо бе. / Сего́ рáди нареч́еся и́мя м́сту томú Гóресть. / И роптáху лю́дие на Моис́ея, глаго́люще: / чтó пи́ем? / Возопи́ же Моис́ей ко Гóсподу, / и показá ему́ Госпóдь дрéво, / и вложи́ е в воду, и услади́ся вода. / Тáмо положи́ ему́ оправдáния и судьбы́, / и тáмо егó искуси́, и рече́: / áще слúхом услышиши глас Гóспода Бóга твоегó, / и угóдная пред Ним сотвори́ши, / и внуши́ши за́поведем Егó, / и сохрани́ши вся оправдáния Егó —, / всяку болéзнь, ю́же наведóх егíптяном, не наведу́ на тя: / Аз бо есмь Госпóдь Бог твой, исцеля́яй тя. / И приидо́ша во Елím, / и б́яху тáмо дванáдсять истóчников вод / и сэдмьдесят стéблей фíниковых, / и ополчи́шася тáмо при вода́х.

Иисúса Нав́ина чт́ение (главá 4):

Рече́ Госпóдь ко Иисúсу, глаго́ля: / поими́ дванáдсять мужей́ от лю́дий, / мужа́ ед́инаго от коегóждо плéмене, / повели́ им, глаго́ля: / возми́те от среды́ Иордáна, иде́же стоя́ша нóзи жр́ечести, / готóвых дванáдсять кáменей / и, изнесше я с собо́ю, положи́те в полце́ вáшем, / иде́же стáнете тáмо в но́щи. И призва́в Иисúс дванáдсять мужей́ слáвных от сынóв Изра́илевых, / ед́инаго от коегóждо

плéмене, рече им: / идите предо мною пред лицем Господним в средину Иордана, / и, взем оттуда кийждо камень еди́н, да возложит на рамена свой, / по числу племен (сынов) Израилевых. / Да будут вам сии в знамение, посреде вас лежаще всегда, / да егда вопро́сит тебе́ утро сын твой, глаго́ля: / что суть ка́мене сие́ вам? / И ты возвестиши сыну твоему́, глаго́ля: / яко́ оскуде́ Иордан река́ от лица́ кивота́ завета́ Господа́ всея́ земли, / егда́ прехождаше е́го, и изсяче вода́ Иорданова, / и будут вам ка́мене сие́ в па́мять сынов Израилевых да́же до ве́ка. / И сотвори́ша та́ко сынове Израилевы, / яко́же запове́да Господь Иисусу. / И вземше двана́дцать ка́меней от сре́ды Иордана, / яко́же запове́да Господь Иисусу в сконча́нии прехождéния сынов Израилевых, / и принесо́ша их с собою́ в полк, и положи́ша их та́мо. / Поста́ви же Иисус и други́я двана́дцать ка́меней в самéм Иордане на мéсте, / иде́же сто́яху но́зи жреце́в, воздвиза́ющих кивот завета́ Господня́, / во Иордане, / донде́же сконча́ Иисус вся, / елика́ запове́да Господь Иисусу пове́дати лю́дем, / по всем, елика́ запове́да Моисей Иисусу, / и потща́шася лю́дие, и преидо́ша. / И бысть, егда́ сконча́ша вси лю́дие прехо́дити (Иордан), / пре́йде и кивот завета́ Господня́ и жрецы́ пред ни́ми.

Проро́чества Ио́йлева чтéние (глава́ 2):

Воструби́те тру́бою в Сионе, / пропове́дите в горé Моёй святе́й, / и да смяту́тся вси, живу́щие на земли, / яко́ предсто́ит день Господень. / Яко́же утро́, разли́ются по гора́м лю́дие мно́зи и крещцы́, / подобни́ им не бы́ша от ве́ка / и по них не приложи́тся до лет в род и род. / Яко́же вид ко́нский — вид их, / и, яко́же ко́нницы, та́ко проже́нут, / яко́же глас колесни́ц на верхи́ гор востеку́т, / и яко́ глас пла́мене о́гненна, попада́юща тростие, / и яко́ лю́дие мно́зи и крещцы́, воополча́ющиеся на брань. / От лица́ их сокруша́тся лю́дие, / вся́кое лице́, а́ки опале́ние горнца́. / Яко́же борцы́ потеку́т, / и яко́же му́жие хра́бри взы́дут на огра́ды, / и кийждо́ в путь свой по́йдет, / и не совратя́т путий свои́х. / И бу́дет по сих, / и изли́ю от Ду́ха Моего́ на

всяку плоть, / и прорекут сынове ваши и дщери ваша, / и старцы ваши сония узрят, / и юноты ваши видения увидят, / ибо на рабы Моя и на рабыни Моя во дни оны излию от Духа Моего. / И дам чудеса на Небеси и на земли: / кровь, и огонь, и курение дыма. / Солнце обратится во тьму, и луна — в кровь, / прежде неже прийти дню Господню, великому и просвещенному. / И будет: всяк, иже призовет Имя Господне, спасется, / яко в горе Сионе и во Иерусалиме будет спасаемый, / якоже рече Господь, и благовествуети, иже Господь призвал.

На литии стихирь, глас 4:

Петре и Павле, Слова делатели, / Андрее, Иакове и Иоанне премудре, / Варфоломее и Филиппе, Фомо и Матфее, / Симоне, Иудо, Божественне Иакове и Матфие, / всемирная, всечестная учеников двенадцатица, / иже в мире проповедавшии Всесвятую Троицу, / естеством Бога присносущнаго, / Церкви неразорыма войстинну стены / и непоколебимыи столпы, / Владыце всех молитесь спастися нам.

Петра и Павла, и Иакова, Андрее, / Филиппа славнаго, Варфоломея, Фому, / Иоанна, и Иакова Алфеева / и с Матфеем Богопроповедником, / и Иуду всеумдраго, и Симона Зилота, / и Матфея почтим, / апостолы и Владыце други сущия, / имиже сияние познахом Тройческое / и тьмы избавихомся неведения, / иже сих веровавшии учением.

Богатство некрадомо Церкви, / столп непоколебим благочестия, / Варфоломее, показался еси, апостоле, / в мори же стезю творя, / пучину Божественных источаеши исцелений, достославне, / Христа Бога моли / даровати нам велию милость.

Глас 3: Благоукрашается вселенная, / Ефиопия ликовствует, / яко венцем, красуема тобою, просветившиися светло, / торжествует память твою, Богоглаголиве Филиппе, / вся бо веровати Христу научил еси / и течение совершил достойно Евангелия. / Тем дерзновенно Ефиопия вопиет Богу, / Егоже моли даровати нам велию милость.

Глас 5: Вѣрно торжествуем пречестную память твою, / Иакоже славне, / не яко Алфеева тя сына, / но яко апостола Христова почитающе / и проповедника Того неизреченнаго воплощения. / Тем Владычню Престолу со Безплотными всегда предстою / и апостол и мученик лики, / прилежно молися спасти ны Спасителю и Богу нашему.

Глас 1: Иудо всехвальне, / твоё вещание изыде, / якоже молния, в концы всей земли, мудре, / помраченныя лэстью безбожия / к Свету наставляя невечернему, / Имже ныне сияя, / испроси душам нашим велию милость.

Глас 4: Симон, апостол всесвѣтлый и пречудный, / языков учитель, / мрежа Божественная, / из глубины погибельныя нас уловившая Богословием высоким, / истинный проповедник, / вся ко Христову познанию ныне мудре приведи. / Темже, в Вѣшних сый, / с Вѣшними лики вселяемь, / молися, Боговидче, Слову, Христу Богу нашему, / даровати нам велию милость.

Слава, глас 6:

Всечестный апостолов приспе праздник Церкви Христове, / ходатайствующий спасение всем нам. / Тайно убо восплескавше, к сим рцем: / радуитесь, светильницы сущим во тьме, / мысленнаго Солнца зары облистующии; / радуитесь, апостоли святии, / учений Божественных основания незыблема, / друзи Христовы, сосуди честнии, / приидите среди нас невидимо, / сподобляюще даров невестественных / ваш праздник восхваляющих пѣсньми.

И ныне, Богородичен:

Блажим Тя, Пречистая, / якоже прорекла еси, / Бога бо во плоти родила еси, / Егоже проповеда лик апостольский, / с нимиже испроси нам / прегрешений разрешение, Всесвятая.

На стиховне стихиры, глас 6.

Подобен: Трдневен воскресл:

Великим тайнам Божиим служители бысте, / Богословцы и Боговидцы ученицы, / и благодать исцелений приясте, / и всех человек болезни исцеляете.